



SUD BiH: Završen dokazni postupak za šverc droge LOKAJ PRIZNAO KRIVICU

Tužilaštvo zatražilo 10 godina robije

• Žao mi je, rekao je Lokaj u sudnici, a potom je pokrio lice rukama i zaplakao

Nakon višemjesečnih neuspjelih pregovora o priznanju krivice, nakon čega bi mu se izrekla kazna u rasponu od tri do šest godina, Ali Lokaj, koji je optužen da je bio organizator grupe koja je švercovala drogu iz Makedonije, Srbije i sa Kosova u BiH, samoinicijativno je pred Sudskim vijećem Suda BiH priznao krivnju, čime je završen dokazni postupak. Lokaj je nakon priznanja krivnje i zaplakao.

Papirna vreća

Na početku ročišta pred Sudskim vijećem Suda BiH trebao je svjedočiti Nermin Planinčić, koji je osuđen zbog učešća u grupi koju je predvodio Lokaj. Međutim, njegovo svjedočenje nije bilo potrebno jer je Lokajeva braniteljica advokat Dijana Hasić kazala da je njen branjenik priznao krivicu. Potom je Lokaj potvrdio da se osjeća krivim po svih sedam tačaka optužnice podignute 5. maja ove godine i za sve provedene dokaze.

Nakon polusatne pauze, tokom koje je Tužilaštvo BiH pripremilo dokaze koje će uložiti u spis, tužilac Mirza Hukeljić je istakao da se sa odbranom dogovorio oko ulaganja dokaza u spis. Tužilac je dodao da su putem međunarodne pravne pomoći saslušani svjedoci, ali da ti dokazi još nisu provedeni na ročištu. Potom je naveo da zapišnici o saslušanju svjedoka nisu uloženi u spis, jer se radi o priznanju krivnje. Pored velike pa-

pirne vreće u kojoj se nalazilo 1,5 kilograma heroina, zapakovanog u osam PVC paketa, u spis je uloženo i deset mobitela, dva punjača, kao i sim-kartice.

U završnoj riječi tužilac Hukeljić predložio je da Sud Lokaju izrekne zatvorsku kaznu koja odgovara zakonskom minimumu - odnosno najmanje 10 godina robije, jer za krivično djelo koje je počinio nema olakšavajućih okolnosti.

"Samo priznanje krivnje može se uzeti kao olakšavajuća okolnost, ali je ono urađeno sa zakašnjenjem, kada je provedena većina dokaza, te zato nije pronađena olakšavajuća okolnost", rekao je Hukeljić, dodaju-

Otežavajuća okolnost

Kao otežavajuću okolnost tužilac je naveo da je grupa koju je Lokaj vodio imala hijerarhijsku strukturu. Naveo je da je Apelaciono vijeće Suda BiH Borisu Rutešiću izreklo zatvorsku kaznu od 7,5 godina zbog šverca skanka, te da je ta droga mnogo manje opasna od heroina kojim je Lokaj trgovao.

či da Lokaj prije nije kažnjavao. Dijana Hasić je istakla da se odbrana ne slaže da nema olakšavajućih okolnosti.

"Tako je priznanje krivnje došlo u završnoj fazi suđenja, optuženi je sve vrijeme bio u pregovorima sa Tužilaštvom, ali nije bilo dogovora u pogledu visine kazne. Kao olakotnu okolnost treba cijeniti činjenicu da je Lokaj prvi put u sukobu sa zakonom, te da zato treba biti ublažena krivičnopravna sankcija. Lokaj je porodičan čovjek, otac dvoje djece i hranilac porodice, a treba cijeniti i njego-

Page: 8

Reach: 0

Country: BOSNIA AND HERZEGOVINA

Size: 485 cm2

2 / 3

vu životnu dob", istakla je advokatica Hasić, predlažući da Sud optuženom vrati kćerkin iphone i automobil, te ukine pritvor uz određivanje zaštitnih mjera.

Tužilac je istakao da iphone koji pripada Lokajevoj kćerki može da se vrati, te potvrdio da je Lokaj učestvovao u pregovorima, ali da nije došlo do sporazuma o priznanju krivnje.

Posljednja završna riječ pripala je Lokaju, koji je kratko kazao: "Žao mi je", a potom je pokrio lice rukama i zaplakao. Izricanje presude optuženom Lokaju je zakazano za utorak.



Ali Lokaj prilikom privođenja u SIPA

Nagodbje

Kao što smo već pisali, optuženi u istom predmetu Agim Eljšani, zvani Gim (1963), rođen na Kosovu, a nastanjen u Bihaću, Vidak Milić, zvani Zec (1950), i Vahidin Dobrača (1986) presudama Suda BiH, nakon nagodbi, osuđeni su na po godinu zatvora, dok je Hakiji Mehoviću (1961) izrečena kazna od dvije godine i pet mjeseci. Prethodno su Nijazi Muharemi, zvani Tiki Kiki (1963), rođen u Tetovu, te Nermin Planinčić (1976) i njihovi branioci Muhidin Kapo i Senad Dupovac sklopili sporazume o priznanju krivice sa državnim Tužilaštvom, te im je Sud izrekao kazne od po godinu i šest mjeseci robije. Oni i druge osobe su pripadali grupi organizovanoj radi prenosa, držanja i posredovanja u daljoj međunarodnoj prodaji heroina i skanka. Tu drogu su iz Makedonije, Srbije i sa Kosova



Izricanje presude zakazano je za utorak

Page: 8

Reach: 0

Country: BOSNIA AND HERZEGOVINA

Size: 485 cm2

3 / 3

prenosili u BiH.

Miješanje heroina

D. P.

Heroin iz Srbije, stoji u optužnici, optuženi su miješali sa drugim supstancama i prodavali u BiH i Srbiji, te najčešće koristili šifrovane termine koji su označavali vrstu, količinu i cijenu droge, kao i mjesto i vrijeme susreta radi preuzimanja i isplate za kupljene narkotike. Lokaj i ostali uhapšeni su sredinom decembra 2014. u akciji SIPA kodnog imena Oskar.